

卷

施

閣

集

卷施閣詩卷十七

陽湖洪亮吉著

回舟百嶠集

乙卯丙辰

自鎮遠舟行至常德雜詩

時正會勦銅仁沅州紅苗一路皆傳箭送舟僅乃得過亦

幸水程距札營處稍遠也

青溪及玉屏水程從此起飛夢入吳江迢迢七千里

兩關皆虎豹一棹若蜻蛉昨得軍門札傳烽送使星

孤猿攀危厓意思亦若憚仙人飛空行投杖手復接

一程復一程幸爾水流急山頭看花苗排刀向空立

水祇深三尺舟搖亦不妨來朝衫笠影隨月漾瀟湘

見慣卽不驚殘骸蔽江黑鷹隼何不仁抽腸作常食

楊柳千條巷夫容百尺樓可憐兵火後剩有夜烏愁

浦

甫經燒劫
所見尤慘

空灘三百級一石一文靡更有莓苔影朱文漾錦波
殺聲喧落日何處可潛逃幸是昏黃月騰身附鵲巢
泊舟仙人房仙人遁無影我欲上帆竿延回瞰深井
楚女生來好凌晨掉小舟神魚知好色出水看梳頭
及到洪江口材官馬上迎蘆灘都有謀不敢點燈行
人頭及人脰一半出魚腹怪底帆不前荒灘鬼叢哭
凌晨坐清寒閉目養心性過盡千百灘都從雙耳聽
烽煙不到處幾樹發黃梅鵲語先傳喜雲光亦四開
六州兼十縣魚鳥竄紛紛只惜桃源洞難容爾許人

辰州謁畢尙書師出所定詩文集見示卽席賦呈二首
一半戈船下瀨橫烽煙開處見山城天南縱置籌邊驛
研北仍聞擊鉢聲幕府盡稱詩弟子謂劉侍御錫嘏等虛窗閒
禮古先生軍容茶火由來盛未改臣門似水清

述作多應拜下風憐才如此復誰同諸生並致三霄上
五嶽分標各卷中歲月釀成無事福灾氛消盡未言功
殿頭第一人爭羨不負科名僅有公

常德胡同年文銓招飲郡齋卽席賦贈

十年前事重徘徊曾醉梁王百尺臺未覺壯懷輸少日
不妨閒裏鬥深杯掃除硯北橫經席料理城東小史來
清興到今仍未減春風先爲折疎梅

荆州喜晤錢上舍伯坳卽送南歸并寄令叔維喬

年時揖子清暉橋卷施閣中挂酒瓢沉沉醉後不能別

轉盼燭花明復滅彈絲戛竹夜未央節日笑我行何忙

一城春燈轉曲廊送者短趙兼髯莊謂舍人懷玉翩然

一別萬餘里凌亂雲山馬頭起尙書筵上說錢郎抵辰

尙書爲言君尙在荆臺未歸坐客半驚余失喜嘉平廿日來清宮騎

馬直詣官衙中攔門握手久相視尙喜君貌非衰翁中

郎阿大欣俱在時令兄鉞亦在署詠絮詩成復誰對我官蠻府

已四年才劣恐難成一隊飄風三更入五更墻外羽檄

飛無停龍山殘雪落如掌頗念未息征苗兵萬言揮灑

仍如故此筆台移書露布不然手挽五石弓上馬殺賊

成奇功稜稜俠氣填胸抱可惜君偏著書老卅年知己

姜侍郎

姜邕撫晨

一見猶能一傾倒雖然此遊不可忘踏徧

七澤兼三湘零珠斷壁篋中字尙抵陸賈千金裝欲行
不行更搔首握別還思素心友君不見竹初巷內證無
生應笑勞人日奔走

荊州官廨借錢上舍鉞令弟伯垵暨崔恭人作消寒七
集卽席有懷崔丈龍見

欸客荆臺苦致思舊遊重到酒難辭猶憐匹馬衝寒日
却值閑庭詠絮時久別未妨書代面故交多已鬢添絲
冰弦彈至傷心處

時話文
敏舊事

不管花窻夜漏遲

一載軍書插羽飛人傳公瘦我甯肥路穿烽火驚身在

夢逐波濤入姊歸

時在宜昌一帶

會面未能忘息壤關心先

自理初衣

君時乞養病歸里未允

天南佇看苗氛淨好買蓉湖菜

釣磯

題崔恭人秋山訪菊圖

幽窻雨過點青苔
蟻屐曾從響屐回
自覺向來秋氣少

不隨採菊祇採梅

丙午二月曾追陪鄂尉看梅

衫裳葉葉起雲霞
簇蝶裙飄一徑斜
却過小橋天路近

絕無人跡有飛鴉

飛瀑渾疑石上琴
欲從何處更幽尋
空明一點靈山月

與證迢迢世外心

雲裏紅闌曲折橫
半秋時節出山城
飛仙一個花千朵

都署頭銜太瘦生

閒從卷裏憶西州零落羊曇感舊遊
苦向尊前問癡叔

謂大令渚宮殘雪不勝愁

少日談詩有性靈後堂延客眼先青
願營百本梅花屋更展紗帷乞授經

酬錢上舍丙曜

舊時門巷判西東蠟屐常穿楊柳風
占得雲溪一灣淥小樓都在水聲中

詞筆欣看萃一門比年風月共琴尊
龍華會上如相問

交到彭仝四葉孫余幼時謁蕭山公卽蒙獎識及長受
尙書之知又與大令及伯垓兄弟並

稱莫逆

鄉園春半飲屠蘇，握別仍行萬里途。自笑遊蹤太遼澗，

更從北夢說西湖。

前在西湖與君別

襄陽呈房師王觀察

遠宦迢迢各一方，馬頭真喜向襄陽。西南尙見烽煙赤，

師弟初驚鬢髮蒼。懷古池臺聊駐節，探春簾幕偶傳觴。

是日立春

盈箱案牘須勤理，肯學山公醉百場。

立春日過襄陽謁羊杜二公祠，有懷孫觀察星衍山東君爲東國諸侯長，我作南方多士師。竹馬共思逃壑歲，土牛又見迓春時。酬

恩尙愧身無補，傳世先驚鬢有絲。至竟古人能及否，薄

醪閒謁二公祠。

元日南陽

幄殿趨朝夜向晨
宛南春首淨無塵
早聞內禪光唐宋
又見元年值丙辰
全楚正欣秋再稔
史官應奏日重輪
堯階未在三陪列
尙愧西清侍從臣

人日抵鄭州巡撫景安遠遣人相迓書此報謝

握別梁園已八年
憶君風味逼前賢
大河南北頻經歎
好爲蒼生計息肩

人日聊登百尺樓
繁臺東望久淹留
破除舊例吾何敢
瘦馬羸童入鄭州

君清素如昔一切醜惡送迎之禮皆絕今獨遣一介相及是以云

衙齋聯句記經時
風雪甘涼苦致思

在甘肅籌邊最久

尙以書

生待開府逢人仍索憶山詩

君所著有憶山詩草

王大令復專人約遊偃師余以驛路迂回未果翊日從岡里渡河半渡風發舟幾覆日晚僅得抵南岸因徒步携從子兩門生至惠濟橋行館宿却寄大令一首故人一別經歲時封書約我遊偃師把書沉吟復東走塵土隨人已三斗津頭塵暗風尚微挂席如馬從風飛忽驚風從半空旋長年大呼人語亂眼看北岸離纜尺帆急欲收收不得一風吹舟舟轉輕樓榜盡訝凌空行蕭然天末一使星河伯已遣鮫人迎盤渦欲下仍未下惡浪幸從船後瀉舟人心定客始猜欲抵岸北偏南來聳身一躍得平地觀者居然詫神異鄰舟望我竟若仙餘艇尚在風中顛君不見故人此日遲高會客卧津亭

自顛沛瓦燈一盞土橋南且喚行童理生菜

時覓食物無有僅得

生菜數把

葉縣道中雜詩

保安及昆陽一驛三十里奔馬逐歸鴉齊入黃塵裏
屠蘇酒乍傾簫鼓賽昇平爆竹聲何脆年頭年尾晴
卓午昆陽道溪橋細細風春衫紅一片併颺日華中

寄王大令復

南來已是一旬馳真擬忿忿入偃師河外上風堪作宰
洛中人日偶題詩何因祖客筵前酒轉憶孫郎帳下兒
來書言及舊僕吳順已作孫郎帳下兒矣幾許笙歌兩行燭呢人魂夢憶多
時

黃河阻風却至惠濟橋行館晚携從子門生至橋東玩

月作

寂寥山館許停驂酒薄都憐興未酣多謝北風能款客
吹帆三日住河南

頽墻三折路參差拂樹先驚鵲踏枝艷殺野橋山店月
不妨人去立多時

過新鄉贈孫同年希元

籃輿薄晚過山莊飛騎驚看迂道旁一代相門傳縣譜

君爲文定
公從孫

千年古邑號新鄉采風近郭民謡肅話舊虛

窻月影涼更喜外臺條教密

時景侍郎撫豫有善政又
爲州縣設立科條甚周

兩河應可息痍傷

曉發湯陰

破曉趨南郭城荒竹木稠地爲今下邑山卽古中牟殘
雪明華表驚沙暗驛樓停驂吾不願昨已飯宜溝

將至安陽先柬趙大令希璜二首

尋常三五團樂月自到牂柯見未曾料得鄴中元夜好
故人應爲剪春燈

爾許情懷漸不支屏除絲竹已多時還能與鬥筵前酒

可有孫郎帳下兒

壬子冬飲君署醉甚幾欲逃席值孫
兵備舊僕郭勺藥代飲數觥乃解

湯陰謁岳忠武祠

古木叢臺起怒風岳王祠倚堞樓東何因浣盡孤臣血
不祀前朝稽侍中

埋骨西湖恨已多
小朝廷久厭兵戈
此方立廟非無意
尙爲君王障兩河

抵安陽境塵土撲人
戲東大令一首

主人倘厭客經過
故遣飛沙織似梭
休望琴堂門尊酒
元規塵已汚人多

十四日未刻抵安陽
趙大令爲招春燈社
火讌客海棠
詩屋至三鼓乃別
翊日更邀遊天甯禪寺
設百戲餞
別醉中賦贈

鄴中十萬戶一戶排雙燈
城東城西徑十里萬影礙月
難東升安陽大令我素知飛書約我停少時排門燈影
看不足中有戛竹兼吹絲紅塵障天綠波掣馬尾搖風

馬頭月鼓樓街北蕭寺東齊捲珠簾看飛雪昨日醉幾

場好友爲我招張王

皆幕中
賓客

海棠詩屋圍社火夜半更

約傾千觴今晨別何地更遣聾丞控飛騎佛樓開處面

廣場附戶爲余陳百戲此回元夕無不有月影燈光與

杯酒董生董生惜前走

謂上舍達章
時已入都

說與王郎應妒否

謂大
令復

更排石級上石亭一城華燈尙若星摩挲金石百

回步

寺有元至元十二年
鐘銘及至正中石刻

足力倦處開僧扁念君官事

忙如許衆裏離觴復頻舉一晌歌聲壓彩雲梅花山館

飛如雨君持手板輿前立我辨心香馬頭揖

時以所列
近著見贈

別袂猶餘燭燼光離亭已暗風沙色

晚發安陽至磁州行館一路燈火甚盛喜而有作

十里平沙柳數層漳河橋上月初升何因爛醉安陽酒
來看磁州郭外燈

李舍人鼎元登岱圖

平生心力瘁躋攀五岳遊完鬢未班肯待向禽婚嫁畢
僅留老眼看青山

欲捫星斗挹穹蒼杖策仍須辟穀方我是土春君早伏
入山先已異炎涼

戲題秦人種桃采芝圖

童男童女五百桃實桃花萬千何不成鄉里婚男嫁
女耕田

毛女忽然大笑惹他四皓顏開商洛山連太華大家飛

去飛來

馮給諫培竹鶴圖

意中我有閒樓閣閣下亭亭立雙鶴鶴徑時看一花落
曾中我有奇峯巒此外觸處皆琅玕六月更有松風寒
乘軒豪此君直開徑居然得三益門開無人鶴亦應門
叢竹兩兩爲除行塵門關無人竹亦索笑仙禽翩翩自
詡同調先生此圖實得我心鶴既有侶修篁成陰尚恨
竹外無月鶴邊無雲石牀無積書竹几無清尊客來不
醉相對何以能追古人君不見今人不來古人往鶴步
空庭竹森爽畫中山好不可居何不歸爲五湖長
寒食早得家書偶題二絕寄南中小兒女

莫怪尋常鶯燕猜，踏青時節未花開。
鉤簾欲訪春消息，却值江南驛使來。

平堤一色綠初鋪，四月江鄉畫不如。
遙憶風前小兒女，紫藤花下讀家書。

奉酬邵學士晉涵病中見寄之作

與君卜鄰意非好，欲拉酒徒時醉倒。
牆西望汝一樹花，君病未瘳春遽老。
牋云日暝半甌粥，頗厭牆東酒徒擾。
墻東酒徒非得已，匝月行完七千里。
轟天礮火衝身出，弔影驚魂可知矣。
昨來偶自窺青鏡，不覺二毛填鬢底。
斯君醉我君辭疾，反作新詩惱行客。
酒逋我縱盈門索，藥券知君亦山積。
君如戒藥我戒酒，一日顛毛恐俱白。

李公子存厚梅窩圖

羅兩峯畫

橫斜影百枝坡陀石千尺不知是我不得來或是君家
不招客花遮簾櫳柳藏榻空裏似飛鶴一隻有魚千頭

禽百翼幽人一與之數晨夕兩峯畫石如屈鐵兩峯

畫梅如植戟披圖我忽念疇昔三十載前携蠟屐

余未弱冠

時從叔爲崑山尉
曾過訪留居旬日

一峯如頽一峯劈更上一峯吹竹笛

此時不知梅窩在南復在北但見高低屋橫脊屋上殘
冬雪花積百年君居此山側孫時看梅祖所植幸我淵
源盡相識不然何以揮灑千言有餘力詩成對卷仍嘆
息兩峯老嬾殊可惜君不見玉峯前頭湖水碧咫尺應
須望鄉國倘使餘賤更有一丈長直接吾家水西宅

却扇詩爲吳孝廉鼎賦

譽婦詩成百口傳可知標格本天然青綾步帳曾相識

我是張子友謝子

吳所娶爲孫
兵備從妹

半臂新裁蜀錦鮮薄寒聊與歷吟肩馬頭明月如團扇
偏照怱怱惜別筵

耳語臨岐記可真回頭生怕阿兄憎看花遲早尋常事
莫作蓬瀛第二人

怔忡鞭馬出金臺失意偏教笑口開我憶塔鄉風日好
紅荷百頃待郎回

白髮詩爲胡上舍唐作

鄰東胡生昨叫絕白髮忽然衝帽出大呼擲帽理髮末

幸喜根株惟有一胡生胡生意若失走馬索詩兼口述
我爲生語生勿休此事何關存與歿古來賢聖半天折
顏賈頭中無此物矧生飾貌有不屑從此何妨罷硯櫛
平生品與陸展別無子未聞收側室鉗之鑷之可不必
生聞我語笑兀兀二三子者麤有筆爲我賁頭須痛切
我聞生言意亦豁一毛雖小慎勿拔或者明朝生七八
疾呼奚僮馳急札朋來盍簪賀白髮茅柴之筵咄嗟設
生今上坐非忝竊燕毛之禮誰敢忽雖然生不可不察
此物上頭急作達從茲陸行乘驢水乘筏面垢莫除塵
莫刮衛玠弗愁人看殺

題王太守宸仿董北苑瀟湘圖爲徐孝廉嵩賦

此卷長三尺零陵老守圖居然斐几側陲落洞庭湖山

水情今古荒唐夢有無卧遊吾尚記千里下黔巫予自黔中

還朝取道洞庭

四月廿日與胡公子穆會飲金光祿孝繼宅被酒醉甚

歸途于馬上得五百字卽送南歸兼東莊上舍達吉

陸秀才繼輅

今年絕代才皆下考功第汪

端光

王

苞孫徐

嵩

趙

懷玉張

問安尤

苦不得意王生除學博賣字作歸計趙生居僻巷忽爾

鬧車騎無端長鬚奴失笑復垂涕

揚曉前一日誤報中式

汪生將

外擢

以助教當得同知

畢力此一試寅初聞揭曉側立門隙伺

猛聞敲扉聲妻子雜沓至甯知非報捷有客誤投刺徐

生病支離一夜屢登廁先期唵病鶴

君甫作病鶴賦

識已兆垂

翅蒙頭聞報罷急起理囊笥張生已獲售黜落爲奇字

欲歸東西川柰此楚氛熾相邀避人跡戚戚聚蕭寺吳

生

甫

示不屑類日酒筵肆監厨得驚坐

謂假陳肖生宅燕客肴饌

悉精緻酒徒七八輩痛飲日三四我慚居下位不克挽

風氣尙書名知人

紀宗伯

本可愜羣議微嫌心有主意在

急防弊遂令中材升杞梓或被棄凡茲數君子一一洵

國器中年饒底蘊詎止文藻麗沉淪致顛蹶此事亦匪

細今晨聞剝啄君又理歸轡君才希數子靡不夙投契

况茲年尙少拭目盼遭際嗟貧兼歎老與衆不一例感

君行計速飲餞爲粗備不愁分袂早反恨遲把臂君歸

過庭暇勤學戶嘗閉吾州衙署厥古檜陰拂地側聞賢

太守一歲興百廢璫瓏疏曲河構閣臨睥睨春關兩人

捷吾鄉獲

已獲毀橋利

形家言吾鄉威豎堰及城中白雲渡橋皆與縣學有礙太守今

已折

其餘懲薄俗悉力整凋做侯賢實棗梓

予與太守本從歛徙

東望舉足企明春當乞假官閣倘可詣蒙莊雖從甥夙

昔視猶弟知君過從數一語煩遠寄逋錢三百萬土木

苦煩費困成諸債集何不築臺避陸生才筆健竟欲逾

老驥

陸生嘗從予遊

昨來觀近作好句我能計吾鄉茲數子得

不詫尤異相思不相見發念時一憲遊山我防嬾日在

室中肄所欣腰脚健百里走尚易一羸聊負篋一僕持

絮被預思重握手不得到春季倘及三月三春江可修

襖

五月初八日方比部體吳孝廉龜邀同人出西直門小
集金氏園亭卽席賦贈並送桂大令馥之官雲南

雨絲踈不斷一路出西城日閃塢頭影雷轟澗底聲草
高飛騎入花滿露舟橫清絕尙書塢當門杞已生

幾許關心客無多賣賦錢暫拋官裏事來趁酒家眠岸
柳陰三面溪雲白四邊遙程愁更數西去萬三千

城南雅集圖

城南雅集圖凡八人法祭酒式善李編修如筠張檢
討問陶劉舍人錫五何戶部元煥水部道生兄弟王
廣文芑孫徐孝廉嵩圖成屬亮吉跋之云爾

城南百萬家屈指無幾人匪緊果無人下直常閉門幾年我苦居天末閒煞城南好風月側聞我友興尙豪把卷呼之齊欲出法祭酒王廣文近來作詩稱雅馴徐孝廉張檢討偃強自誇長句好介休詩老偏改官貧甚不厭居長安稜稜弱冠才尤異難得何家好兄弟我交短李惜已遲覲面却值居憂時八人所貴忘形久不問圖中貌妍醜昨日作一篇今日作一篇城南廛舍不數里時有飛騎馳吟箋流傳俗口殊難耐只說羣兒自相貴豈知

帝京景物本冠十七州賴有數子晨夕成清遊不然東西紅塵日如織何以使春花生輝月饒色一奴前行不

著鞭八騎矯首皆如仙
穿行古剎及荒墅日永或借閒
齋眠數君才調皆經世
所喜昇平無一事木天粉署官
本閑欲以琴尊消壯志
徐生忽然策蹇驢時下第南歸王子
亦欲登牛車時赴華亭教諭在遂令七客忙不已
分日載酒延王徐還君斯圖
三太息勝會如今亦難得
卷圖水竹自生涼
差信此中無熱客

法祭酒雪窻課讀圖

堂中一寸濬門外三尺雪
孤兒讀未完慈母心若結
朝行課讀書暮行課讀書
孤兒業甫成慈母年先徂
衰親無百齡積雪不逾月
所以人子心常思事親日
感君與我孤露同六歲七歲
稱孤童君以七歲孤余甫六歲貧家無師讀

不得卒業皆在紗帷中雖然我與君稍異憂患餘生復

難記五雅三蒼業縱同經旬九食談何易白雲前頭一

曲谿

余昨繪拱聲燈影卷子亦圖太安人課讀時事

昔者我友曾分題長檠無

尤短檠繼持較此卷殊依稀我家茅三層君家竹千箇
我家屋比君家破雪朶盡從頭上墮君家門向左我家
門向右我家雪比君家厚徹夜有光飛甕爨可憐遲暮
猶耽讀只惜春暉杳難續每值窮冬風雪辰攤書時向
茅檐哭吁嗟乎今年之雪非去年今日之景非從前安
得衰親常存雪不化兒甯讀書終老茅檐下

少宗伯鐵保暨少宰玉保繪聯床聽雨圖屬題率賦一

篇

故人步入蓬萊遲大茅小茅皆本師天門不敢與鈞禮
却憶抗手同行時余與少宰同舉京兆鄉試祇疑未換仙人骨閑掃
落花消白日忽聞天上落吟聲矯首不禁狂興發披圖
乃仿逍遙堂下直兩兩登匡牀置身高處莫忘却但見
榻畔左右竹柏搖青蒼誰言天上清閑極一例苦吟能
入癖他時竹杖或敲門慎莫移牀先遠客

送桂大令馥之官永平

汪錢盧邵

汪明經中錢教授塘暨盧文昭邵晉涵兩學士

相繼作海內故人今

益稀洪生終日塊然坐欲哭不哭常歔歔數君豈止傷

天折

汪錢邵年皆僅五十左右

六藝微言亦將絕閉按篋底出手箋

精義猶堪補殘缺桂生亦是今儒者六十扇門校蒼雅

遠官萬里無一錢手抱遺經尙難捨君不見許君弟子
有尹珍首以小學傳蠻人二千年來師授絕得毋待爾
一一重敷陳君不見蠻方志乘尤踈畧若水蘭滄考須
確博南倘許宦三年他日應傳睦君學

題陳布衣嵩畫梅冊子

君前築屋臨江屯老梅一株香一村泠泠江水半彎綠
更向花下開橫門幾年作客思家切手寫一枝如鐵屈
猶嫌比屋多塵氛不遣虬枝四邊出一花中間綴一星
空處掩映天光青巖寒百鳥絕無影間有老鶴來梳翎
客來時立梅花側是客是花渾不識三更月淡雨又來
清冷獨抱花魂回

題陳同年農槐借樹山房

人生天地間百物無不借日受天地恩不向天地謝况乎百年內偶復賃傳舍何人開此巷此屋又誰架主人名誰何何日得閒暇因而覓奇樹一一種如稼何年高出屋清影相激射自從有樹來人事疊交卸前者有因依後者得憑藉冬有以爲冬夏有以爲夏時而蔭清晝時而響長夜除此千尺陰無須一金價居人不之德鄰亦不之訝我今爲評量不得不枉駕知非乞諸鄰造物者所賞君如思報德日日羅酒炙邀此一世相與酣樹下狂來鋪席卧林密已無罅倘問身所來亦從天地

假

七月七夕吳侍講錫麒招集澄懷園賞荷卽席賦贈
居然秋雨餘邀客集深徑何止盈眸花葉聲清可聽槐
黃堆北牖香氣一窻迸奇書隨手讀兼復展明鏡婉婉
越客謠沉沉洛生詠雖無鸞鳳翻雅有麋鹿性蒙莊方
任達管輅苦言命

坐中趙味辛舍人談命不已

莫負佳節歡移樽酌

波暝

酒半移酌池上與張同年問陶皆失足墮水戲作一篇

並呈

西頭萬葉戰秋雨東岸百花明夕陽夕陽紅退避花色
秋雨綠淨逾溪光張郎酒行冠已側笑道一年惟此夕
携觴約客臨北池指點塘坳欲鋪席影先入水身誤從

影沒反訝身凌空一花驚從足底紅轉眼荷葉迷西東
誰云直下真無地幸踏纖纖藕如臂玩波一响不出波
濃綠溪光若衣被忽然一躍波已開分手亂擘青莓苔
吾曹不死亦可哈多謝花朵擎魂回

初九日早舊僕朱祿忽遘危疾卒將以是夕歛于旁舍
余不忍視之因出巷至胡文學唐寓齋索飲醉甚至

二鼓始歸率賦一首

凌晨欲出門一僕隕西牖念其久追隨不忍視棺匱驅
車出巷西復東訪友十輩九不逢雨聲蕭蕭促歸去日

晚方欣與君遇主人不在客亦豪

胡時主程吏部振甲舍程前已出使呼

酒半日辭無肴充腸且復啖生果幸有菱栗兼梨桃我

前與君同里井三十六峯懸倒景烏聊山頭筍堪煮更

摘鄉園雨前茗

時吳上舍文桂出問政山筍及松蘿茶啖客

千杯百杯酒不

辭簾角月已來絲絲排頭生客座旁聽鄉語拉雜愁難
知鼓聲隆隆街北響我醉欲歸神忽愴馬嘶聲苦步亦
慵瘦馬轉若憐疲童君不見魂燈已出門藥帳猶在舍
世間百事皆代謝新僕逡巡候檐下

初十日吳上舍文桂邀津門李生爲余寫管領九秋圖

爰贊以二絕句

管領秋花事可知姚黃魏紫不同時算來也被仙人妒
東海新教月上遲

離前薄薄有花陰小立居然爽客襟一曲紅闌天萬里

是誰能識九秋心

桂犬令馥戴花騎象圖

與其北方騎橐佗不若跨象踰牂柯與其東中餐苜蓿
不若簪花撫蠻服我官蠻服諳土風民戴長吏同家翁
車前何必八騶列象鼻舒卷如長虹花枝紅紅罩官帽
六十使君猶若少有時象背唵欲顛惹得幼姬開口笑
祝君官滿無一錢堆鬢花好垂吟肩君不見三年政成
歸亦好叱象北來耕海島

趙大令希璜雲車飛步圖

我昔至盤谷欲登王屋山馬疲僕嬾不能到日晚僅訪
靈源還是時閑雲逐歸鳥天半夕陽紅不了空林飛瀑

影間之襯得四山青裊裊我亦欲乘雲中車天門旁邊
學步趨舉頭見君忽大笑已被怪風吹裂帽

張同年問陶夢月卷子

我夢久已闌君夢乃方兆斜月照天西迢迢石牛道
此客支離極隨人棄道旁蓬蒿三五尺中有竹匡牀
陳布衣蒿詠篁軒卷子

深淺篔簹內能令日氣青四山飛瀑布道下巖扃欲
制安心法聊攤種樹經何人伴幽獨螢火兩三星

卷施閣久坐

園林十萬葉如雨落漫漫秋燕已無影夜窻殊覺寒小
眠琴榻潤閑步竹廊寬只有西軒月無人徹曙看

送張孝廉問安歸蜀

朝看東籬花暮折北提柳人生無根株安得不奔走張
生年四十抱道苦不偶西顧有老親曰歸覓升斗窮秋
霜霰集成威聚儕耦相對慘不歡惟應市筍酒君家難
弟好縱飲日濡首長飢資薄俸未足餬兄口我意亦勸
歸名山關窻牖沉潛三十載庶可冀不朽努力盡一尊
西行寡良友

邵進士葆祺邀集寓齋餞張孝廉卽席賦贈

邵生不特詩才逸兼買黃花醉行客就中行客我素知
西蜀才人張亥白十餘年來詩道乖正論往往參俳諧
汪孫端光星衍近亦輟吟詠欲覓長句誰能佳張郎令弟才

如虎酒後千言氣頗粗只惜奇書束不觀沉酣自欲成
千古生成進士方少年乃復憔悴長安眠郎官上可應
列宿何必蓬島方神仙聯吟快得閨中友艷體疊成三
百首壁人居處亦不凡螭竦裁扉月爲牖花前揖客屢
舉杯客醉欲別花徘徊攔門殘月向東逗興發尙能騎
馮回君不見醉中歲月偏無據落葉紛紛訝飛絮東頭
言八朝標折柬來明日酒人須復聚

寓中獨坐

荒園倚古井三折遠市塵傍屋十數株鳥巢多于人蕭
然一徑東南好豈止無花且無草堆檐黃葉一尺深下
有著書人不老

廿三日雪邵進士葆祺餉酒并約張同年問陶過卷施
閣小飲別後復獨酌池上讀亡友黃景仁悔存軒集
至二鼓作

酒人携酒來賞我庭畔雪我時方讀史一卷粗已畢掃
茲盈尺地相與坐林樾風爐依土銜隨意雜陳設閒官
兩移居皆喜境孤絕當時沉醉處依約記庚戌倏忽六
七年雲煙事生滅橫街南北路好友半夭折謂邵學士
楊比部
如何不酣飲坐待生白髮君看空中花真如電光掣

淺醉不出門送客竹籬畔酒人從此去蒼鼠亦隨窺前
車方越巷後騎忽聲喚俄頃人語希來塗雪飄斷移尊
酌池上看此冰欲泮舊友陡上心遂令爵無算沉酣到

中夜空白忽欲暗正好殘月來光華與凌亂

題黃上舍恩長印譜

雅覺一拳堅緻尙須八體摩描試問誰工此技山農谷
口三橋

叔孫不朽三事江夏無雙一人文苑儒林藝術恐君難
以分身

送黃戶部鉞乞假還燕湖

黃生通籍久而乏仕進意郎官才半歲堅欲潔歸計乞
閑書旣允偃卧無一事歸日萬斛濤空明洗胷次

築屋古鳩茲于焉可終老苦無江上田可刈霜前稻仍
然携襍被遠復客江島

時將遊
院工

一世無相知何人識飢

飽

十一月十四夜卷施閣待月適蔣表弟良書以惠泉酒
索售因留飲至醉作

所居偏西南十日寡良友今夜明月圓清輝殊膩手蔣
生叩門入半日俯其首索我助急裝餉我一尊酒開尊
與酬酢鄉味汝知否移坐石屋中清談亦云久苦言辭
我去相送出門走夜半西北風泠泠吹笑口

十六夜獨坐玩月至四鼓月食詣太常寺隨班行禮

全家旣南歸一婢携向北欣聞月當頭爲我具肴核軒
墀開左右雲向瑣窻白古木十數株居然富泉石携壺
隨處坐淺醉不終夕官閑乏塵事敢尙曠厥職三更驅

羸車入寺收月食

感舊

忍向三生石畔過此情除有劫能磨
愁中花月催人老
夢後樓臺易主多
紫燕日聞移舊棟
白雲猶是宿層阿
惟將一掬東風淚
和雨和煙逐逝波

胡上舍唐屬題夢李昌谷圖卽戲效昌谷體

古錦裁作襲時嘔
心中血古錦裁作被時縈
夢中結江南仙客夢隴西魂
氣上覺南山低左耳黃河聲
右耳瀉滄海塵飛接黃雲如鈎
月沉采闌干十二行不前
轉眼已及三千年玉京路向
瑤池直金虎玉龍攔不得却
怪仙人酒面紅映天天作桃
花色清虛帝所宅何有白玉

樓一語道破天應愁天公愁山鬼笑神雞亂嚼星斗完
飛上燭龍頭上叫夢中授受詩百篇只借東壁爲長箋
從茲投溷詩仍須出人間來何翩翩去何遽出戶有光
團若絮長爪纖纖破天去

東錢三維喬

竹初庵主近如何習靜翻憐歲月磨到枕水雲清夢適
應門汀鶴道心多黃金久已欺中壘白壁誰能剖卞和
君前幸鄞縣爲接任者
所累大爲上官白眼一片五湖千頃月收帆擬共著

漁叢

夢入從舅氏白雲溪舊宅感賦長句

一半軒窗面水隈已涼頻奉板輿來簾從碧月光中捲

花向紅雲影裏開分砌紙燈搜蟋蟀過汀蠟屐點莓苔
歡場總被風吹散贏得春宵夢百回

張烈婦詩

烈婦王氏余友人張大令景運之子婦文學慧裕之
妻也慧裕以勤學得瘵疾氏割肱療之不愈卒後一
月氏繪夫像于壁雉經其側以殉

張烈婦交河人年二十歸所天所天勤讀書氏亦助攻
苦朝聞雞嘒嘒暮聽統如鼓所天學成病轉危夢裏血
淚時時垂誰言色如花匝月成死灰叩天乞緩須與死
割肉如丸啖夫子臂割未合髻已墜奈此出腹兒呱呱
嗟嗟一塊肉敢累翁與姑長跪向保母願乞存遺孤捐

軀却憶前三日心事曾爲小姑說翁姑有叔兒有母地
下良人待余久神完志定反不忙却掃東壁如銀光七
尺軀牆上植烈婦善繪事先畫良人像于壁乃就旁繼三尺繩梁上直墨光
血光相對射形影不離夫一尺君不見婦先兒兒童烏

阿翁復作鬼董狐

大令近作述異記數種

一家奇行皆堪圖

偶成

哀樂中年詎可支未衰恐已鬢添絲遭讒真悔知名早
投隙方嫌見性遲乍識面人偏入夢不闕心事忽沉思
平生學行吾能審豈待悠悠論定時

百種芟除癖尙留閉門索句出門遊研摩未及唐餘史
蹤跡麤窮禹九州胥次漸能忘寵辱舌鋒從不快恩讐

白雲溪畔三間屋畧有頭銜好乞休

間來屈指溯從前孤露餘生我自憐平輩半皆成老宿
故人多已學神仙難忘硯北千秋業邛有城南二頃田
一事冷官差可慰趨朝常得弟隨肩

亘亘平生一寸心不同朝士竟升沉憑誰可解胷中結
倚客時彈海上琴乞與藥壺希駐景肯從塵網索知音
南舟北馬頻來往坐使勞勞變古今

廿五日雪

蓬門且喜絕將迎繞砌南頭自在行一片廣場三畝雪
好同心地證空明

十二月十九日卷施閣招同人祀蘇文忠公卽席賦一

章並邀諸人同作

七百年來彈指過又隨裙屐壽東坡生天至竟誰能免
傳世如公庶不磨香篆曩時詩思入風簾開處雪花多
狂吟痛飲君休惜不見勞人鬢已皤

謂吳詩讀錫麒
時以病未至

小除日邀同吳侍讀錫麒戴吉士殿泗趙舍人懷玉温
舍人汝能方比部體劉舍人錫五伊比部秉綬葉舍
人繼雯張檢討問陶彭明經蕙交戴禮部敦元集卷
施閣祭詩作

洪生除日築兩臺餽糟避債人俱來客來不來豈須速
先注滿堂銀蠟燭歲聿云暮興轉高分半債帥兼詩豪
卷施之門如鐵立百輩申頭不容入側聞門外客暗數

堂中人九州仙客萃一門休嫌坐上賓僚少閩粵楚吳

兼蜀趙

坐中十二人凡四川湖北廣東福建山西浙江安徽江蘇共八省

無端聚飲衆

或啜轉假舊例稱祭詩多逾二百篇少乃十數首吾曹

自有傳世資不藉詩篇成不朽燭花分從肩上飛蠟淚

滿滿堆春衣忽驚屋後雷聲墮四面紙窗齊欲破山雌

水母并入肴遠有吳客貽車螯百壺不嫌多一觴不言

寡夜半清談振檐瓦肉拌貂酒污茵脫畧極處無人嗔

明宵莫守庚申歲後日早朝纔破醉

偶成

客來半不知名姓到卽隨堂住幾時醉後忽然長揖去

主人不問僕難知

破工夫把蜀茶煎一枕新涼乍欲眠不合約他狂道士
騎驢直到竹牀前

曾孫用懃校字

卷施閣詩卷十八

陽湖洪亮吉著

侍學三天集丁巳

正月十四日雪霽溫舍人汝能招飲分韻得兼字

且插梅花壓帽檐
乍來香氣欲衝簾
籠街月與燈光合
繞砌霜將雪色兼
縱飲未妨朝客罵
朗吟生怕夜烏嫌
千言一例輕揮灑
已有春華上筆尖

十五夜琉璃廠步月

一市人如海塵從隙處穿
帷車排巷窄社火壓場圓
濁酒呼朋飲奇聞藉客傳
欲尋容足地飛爆向肩然
元夕有懷四首

半生思紀外家聞

朱文公有外家紀聞

清淚時時滴典墳十六人

中留上壽

舅氏再從兄弟共十七人惟舅氏屈八十七

州時舅氏將生平

學貴

所述作寄存余處

難忘閣上三更月只占溪南一塢雲

莫晒霸陵亭醉尉阿誰能識李將軍

憶州倅舅氏

一居闌闕一居鄉零落年來姊妹行少賤每教通世故

長貧時與話家常封書寄弟箋曾濕對鏡梳頭髮已蒼

腸斷邗溝東去路

適汪氏二姊下世已及十六年所居天井巷小樓屢過之不忍登也

樓空鎖月昏黃

憶姊

晴暉橋北學場東竹屋時時與夢通砌繞石泉三寸碧

窻分梅蕊一株紅已將複閣棲嬌女可有新詞寄阿翁

猶憶北行牽袂處萬家燈火五更風

憶女余以庚戌元夕北上

故人生子我生孫世執還應擬弟昆

趙舍人得子巖遲
僅長余孫一歲

竹馬跨時纔識路紙鳶放處定當門攤書已分傳家業
學語差憐具夙根遲汝長安來繞膝看翁日日倒金尊

憶孫

吳上舍文桂倚梅圖

黔南翼北走紅塵昨夢江鄉正好春何不石旁添畫我
承明同作憶梅人

纔過燒燈無幾日誤書穀雨我心驚

來札雨水日
誤書穀雨

多應

仙客思家切預想踏青人出城

劉刺史大觀爲亡友黃二景仁刊梅存軒集八卷工竣

感賦一首卽柬刺史

一瓣心香契獨神此公高義出風塵應憐少日齊名者

已作千秋傳世人檢點溪山餘笠屐刪除花月少精神

許爲翁學士方綱所刪凡稍涉綺語及飲酒諸詩皆不錄入

向平婚嫁爲君畢

君一子

女皆君沒後爲之婚嫁

亦擬穿雲訪列真

題蕭照所繪宋高宗瑞應圖六幅

剩得東南半壁天忍將奇瑞說從前何曾楚壁能歸趙

轉使吳州又姓錢

朝野雜記徽宗夢錢武肅王入宮而生光堯

內殿早教飯

繡佛小朝真欲泣金僊蕭郎落墨非無意只畫樓臺夕

照邊

不少當時命世雄藥韃都覺有儒風誰令密計參張愨

却以中原付杜充唾手燕雲時已異傷心懷愨事將同

茫茫一局全輸却轉悔飛棋入九宮

天水南流讖不成臨安城異汴州城到來捷縱誇三矢
從此寒應在六更未覺赤龍能踐夢好防白鴈欲渝盟
冰天雪窖吾家事坐使披圖百感生

三月三日作

不妨衣冷更裝綿十里衝寒籠玉鞭到處雨猶零昨日
別來人乍入三天是日入直上書房情懷已分難成夢消息緣
知欲禁烟只有御河橋畔柳臨風裊裊試初眠

送吳文學文桂旋里

我從黔中來共子客京邸君今新安去是我舊鄉里旌
頭星落白虎傾屈指井絡當銷兵二千石吏倘奉法五

斗米賊何難平金門索米空年載無補于時亦思退黃
花半頃麥一畦努力同輸太平稅

送郭同年淳乞假還里

春秋三榜悉同年入直同趨 朶殿偏手版竟思參俗

吏時同年外
任者頗衆

頭銜莫更說神仙著書我績容齋筆述祖

君賡爾雅篇他日講堂來問訊胥臺側畔越溪邊

古意十首貽晉齋應教同作

魚遊濁水中鳥宅高枝上托身雖不同遙遙亦相望連

枝新月出鳥影波上漾魚樂我自知沿流擘輕浪

晨興必資餐夕寢必資被一身雖無多物物無不備從

茲百年內殊覺太繁費當前欣各足安用事心計微名

在身後亦以付天地惟時把書讀掩卷輒垂涕持此一
寸心寥寥欲誰寄

莫辭家出門出門路卽岐處旣誰可借出亦誰可依身
非我之身父母之所遺敢學陳孟公一世隨高低

松筠及桃李羣焉托春風先時及後凋命意乃不同桃
李方華滋松筠亦青葱共結青帝知幽芳閒香叢榮悴
任所操不居造化功所以深識人澄觀悟初終

五日一澣衣十日一休沐衆中常緩步敢逞絕塵足齋
糧時告匱祇復購薪束不知何奇書然火樓上讀

昨者卧復起忽然心憂煎前古與後古一身居其間責
備之所歸安得不懼焉何以貽後來何以承昔賢當食

三歎嗟高懷惜徂年反美行路人逐便可息肩

繁星與望舒晨夕麗天闕司存各有在取道亦殊別如
何百星光難補員景缺北斗亦自知光輝不如月

我不爲神仙非徒厭荒渺亦恐過百年事能生意表閑
居偶然夢列闕事幽討洪厓與浮丘容顏那能好微聞
田橫客近尙住仙島畢竟忠義人後天而不老

人言記誦佳不必炫文采甯知華與實兩兩實相待生
爲行秘書一死究何在何如能泚筆自命可千載

締交數十年夜夢隔魂魄忽然來同心半面成素識神
明苟相契不在今與昔孔程乍傾蓋華管久分席君看
曹平陽方延掃門客

送鮑郎中之 乞假南歸

五年不復同簪筆，忽向東華語將別。高齋學士我自慙，長慶老郎君第一。廿年前憶夫容，城君官我尙爲書生。一篇君賦初月影，我把君卷時縱橫。十年前過昆陽驛，君作使星吾尙客。八句君嘲退院僧，僧把君詩倍珍惜。驛旁僧有娶妻生子者，君作詩嘲之，僧每舉以示客。竭來同宦會幾時，君復僦屋鄰曹司。銜杯每苦暮鐘動，一僕一馬趨城遲。君寓內城，此回別君真草草，道遠飯君須及早。練塘湖北，蒜山西，他日訪君應未老。

西爽村雅集應教

平波三十頃樓閣，總如浮聽雨來檐隙。穿雲歷樹頭竹

先放閣言考一
五
稍時礙鹿花點欲驚鷗不是春光滿還疑雪苑遊

三雍開秘笈萬畢述奇辭古樂河間獻新碑丞相斯人

工小篆時觀所無嶧山碑

阜同分陝陌水軼定昆池喜值端居暇賓

筵酒不辭

清明日同人各携酒至陶然亭餞吳侍讀錫麒分韵得

郭字

今晨值清明淺步不出郭言登西南亭稍覺筇鞋拓窻

櫺無用掩空翠四垂幕天半遞遠風輕雲落如鶴梨棠

間桃杏花暗一層閣春蔬羅數十所喜新意各泥飲苦

不豪停鷓歎離索東瞻暨吳會西念及商洛

時聞賊匪竄入魯山

如何遲露布顧望期屢錯吾子又告歸心期渺誰託中

年富筋力敢退事耕鑿無容籌去住且復視寥廓客去
酒忽醒泠泠憂車鐸

閉門見花落有感

塵勞擾擾復紛紛却掩重門杜見聞入世早推能慮事
到頭何止僅工文閒花積地驚三寸薄酒澆愁祇一分
欲構草元亭未就暫將奇字課劉棻

晚坐

草花艷紫林花紅胡蝶五色飛當中刺梅黃更出墻角
白玉一樹嬌春風藤床坐久春陰薄香氣冥濛合成幕
忽地吹來雨脚斜梨花樹上桃花落

四月十一日綺春園雅集應教

名園一棹水沄沄柳正披香草乍薰畫舫已敎延碧月
紫藤偏欲上青雲欣傳檄報秦闕捷不礙顏從魯酒醺
雅有剡溪賤百幅

時觀成親王所書堂額亦乞寫卷施閣榜

醉餘書許乞年

欣

昆明湖水接天流揖客都從水上頭正好柳陰三弄笛
未妨花裏一登樓迂踈尙荷賢王禮擾攘誰分

聖主憂殘盜莫矜盤踞穩早看飛將下神州

趙忠毅鐵如意歌

三尺鐵作如意誰其握之趙忠毅惜哉公生明已季委
鬼茄花吹滿地恨不擊王孟津門生有此真亂羣恨不
擊烏程魏故人子已成敗類半生所遇總如此悼歎公

生不如死鐵兮別主二百年
倔強宛若公生前君不見
我雖不見公幸見公遺物
稜稜一方硯凜凜三尺鐵
嗚呼二物偶流傳想見公
心如鐵石

米圖南鐵笛歌

一聲遲一聲疾雲將穿石
欲裂不知何人製頑鐵
百鍊鋼成三弄笛空園
初春宵其無人水際一曲
蛟龍欠伸排清風出明月
樓高高聲不絕三更已
還客興闌百舌軟語花開
顏

望雨作

朝望雨雨不來烏鵲聲
裏紅雲開幕望雨雨不下
柝聲茫茫星影瀉五陁
山十日不出雲赤日炙
窟牛羊羣昆

明湖一旬水減尺青草欲生魚鼈窟東西紫陌飛麴塵
祈禱日煩

兩聖人君不見安得檐頭雨如注更望驛西傳露布時望

陝西捷音甚切

廿六日新雨後作

燕歸梁雀歸牖雅巢左邊鵲巢右延回只有雙老烏無
樹無巢向空門先生看雨出屋頭破暝復聞呼婦鳩風
聲蕭蕭葉聲亂一尺鯉魚飛上岸

頻夜起看殘月有作

少歲如新月初三及上弦最憐光滿夜亦似客中年齒
髮今如此情懷愈黯然回回過宵半判與看殘蟾

偶成

殘月出半宵殘客扶半醉月從門外入披牖與之對客
行旣不前月影亦不退何如鋪桃笙就此月中睡

澄懷園卽事十首

讀書樓上一燈紅穿破疎簾入水中隔牖乍驚錢庶子

誤疑殘夜月升東

所居與錢庶子
子榮相接

雨濕溪光畫不成平堤百尺水雲生過橋時有琤琤響

學士廳前落子聲

張學士運選與王侍講
綬裴緝修謙暇輒對局

直廬遙對寺門開

童大理想鳳三寓廬
獨在澄懷園外

分得西山一角來

載酒欲過章大理十年重與話繁臺

十年前曾
同客開封

八分日影上堦除

張檢討綬出入
每刻日影爲度

風動簾紋自卷舒携

得剡溪藤十幅成王書罷定王書

嫩涼時節雨初過格子千行墨數螺却笑病餘陳贊普

萬全

索書人比索逋多

屈指風光五月前蛙聲閣閣草綿綿宮紗

賜罷頒宮扇日午傳宣集後天

偶向花前共舉觴自慙小戶遜三張

謂學士及檢討劄綴

花豬

肉好梅蘇熟更憶西頭達侍郎

達侍郎椿飲饌兼人

破曙同看入左門金爐宿火尙餘溫傳經不愧真司業

分課

皇家五代孫

邵司業玉清督課最嚴時分授皇元孫經

洗馬清談昔擅名說經祭酒亦鏗鏗闌干日午天風起

吹徹南來笑語聲

謂王學士坦修
汪祭酒廷珍

閒廬一畝富莓苔正值花時借榻來架却紫藤扶住竹

清陰仍待主人回

予應居西頭小樓以墻宇盡圯
暫假寓萬侍講承風直廬

夜起

塔頭明月來長徑一千尺非比青松枝欹斜不能直

天中節近有懷里中景物并望家累入都

梅仁如豆杏如丸桃實成拳砌滿盤昨夜江船來海口

鱗魚三尺勸加餐

薔薇一架後先開不向墻根問蜀葵襯得石榴紅更好

野鷲桃與土玫瑰

睡覺西窻雨氣腥戲將采線繫蜻蜓聚頭扇子無多摺

自寫黃庭內景經

石首江瑤總遜渠品高入市故徐徐銀鱗玉頰疑無骨
喚作人間團扇魚

新搗白酒透簾香冰齒還嘗薜荔醬却謝水鄉三尺雨
楊梅深紫枇杷黃

約伴同遊西瀟湖梳頭先費睡工夫倦來不怕春魂魔
新貼紅梅閣上符

蜀山鞭筍出林長紫莧黃瓜取次嘗兔麥上場蠶豆老
便乘舴艋醉新涼

枕波樓閣止三椽簫鼓盈盈咽一川已是苧衣涼沁骨
更扶殘酒上燈船

初三已是學堂空競渡爭看出郭東六角蒲葵三角黍
采絲穿就過天中

不見津門信使回小亭遲汝獨銜杯船頭醉蟹船窗酒
可穀而翁消夏來

山行雜詠

人從窻裏卧塔向門外立忽然塔上人欲與窻間揖檐
鈴吹笑語高下勢不及無由寄真意飄此頭上笠一晌
乘便風翩然墮階級

空園半畝花左右交虎迹清晨客初來怪鳥啼屋脊心
空忘喜懼卽此鋪尺席鳥亦竟遠飛虎亦不前逼始知
忘機人物外有真適

船從西岸行馬向岸東走魚從急溜下三者勢若湊中
流微約畧十步拒前後魚沉倏無影馬倦亦難驟客意
正苦吟沿流一篇就

山樵本無家隨意向山宿忽于鴉巢外突出半間屋上
窺鼯與鼯下復走麋鹿樵薪堆一岸意倦亦託足縷縷
飛爨煙應知飯初熟

斜陽半天紅雨氣半天黑冥冥紅黑交蟬螿橫百尺仍
然而難下依舊幻晴色須臾雲黑處透出星漢白野老
涕不休低頭對原麥

一塢寄塵外謂有田堪耕豺狼多于人見慣亦不驚客
至主染疴閉戶絕送迎連呼強之出先把門扉撐荒寒

信難居滿頰莓苔生

山谷雨聲碎入谷雲光肥
一出入中蝴蝶雜客飛疲
蹤欲誰投暫借雲所棲
一川饒怪蛇百鳥噤不啼
何因知宵昏庶賴警曙鷄

橋東與橋西破曙一招手
前行殊未覩隔此水楊柳荒
荒行半日月落斷山口
居人方啟戶行者倦奔走
勸客盍早餐山桃實如斗

四望悉無見松杉與檐齊
亂石黑半天歷此皆疑
低石竅出一門何能辨
東西居人耕山田盡向屋
脊騎勸客早出山雲生
路當迷

迷途忘高低蟻屐向空墮
濛濛倒生竹衣袂牽向左
欲

尋人跡問牛里斷烟火沿流聊徙倚缺處雲落朶古廟
無神靈牛羊占高坐

午日拜紗葛香藥之

賜紀

恩一首

弱冠爲人師逮今幾卅年人言紳佩榮簪毫入中天經
傳

聖人孫成削甫及肩朝朝食 天厨蘿鹽夢仍牽日午
宣

賜來鶴立 朶殿邊繽紛香藥丸紗葛欣有聯纜出
內左門傳宣復連翩俯念節物佳當食更

賜鮮

是日並蒙賜克食

我苦無母遺承

恩涕淪漣會當家祭時持此告寢筵

偏側行同金秀才學蓮作題亡友黃二悔存詩集後

偏側復偏側住世纔幾日朝吟山頭魂暮委泉下骨偏側行歌黃郎黃郎五歲始識字十五十六能文章十七試冠軍十八登詞場十九客浙東二十遊瀟湘當其興發欲賦詩寒暑昏且皆忘之山行麋鹿憎水行蛟龍嘯有時沿林覓句不知遠前飛鷗鴉後獵犬我疑蒼蒼位置皆得宜獨出此人天不管春非我春秋非我秋一世出不得延回歷九州大兒小兒亦何有忽向燕臺訪屠狗形疲骨瘦志已灰偶爾一官頭上來驅車入解梁誓

將涉咸陽避責未築臺塊然身遽亡三十旣已逾四十
渺難得赴君之喪哭君切伶仃一棺詩數冊此時偪側
復偪側巫咸岡雲四結昆侖河濤百折炎風蕭蕭雨聲
急又疑天爲詩人泣詩人亡後十五年新鬼故鬼圍墳
前君亡後君配與太夫人皆相繼卒錦州刺史劉大觀獨抱一卷來長
安奉錢三百千一一爲校刊姓名一日長安市交口誦

君如未死我頂聞之淚難止却憶石交疑隔世楊大令
趙舍人里中昔年稱等倫此時憔悴百僚底轉羨君名
日邊起偪側行誰所爲金子亦豈人間才浮名身後總
如此不若未死常銜杯一杯復一杯偪側歌偪側却憶
虞山山頭論詩夕夜半神祠火雲赤茲遊何期死生隔

嗚呼茲遊真成死生隔

送楊大令倫之官粵西

儒流誰說不知兵躍馬提戈萬里行猿鶴已堪成一隊

時以粵西軍務檢發知縣八人皆先後同行

苗蠻從此乞餘生愁經百驛先

頭白官比雙江徹底清莫忘鵝籠舊時事夜寒風細擁

孤檠

南行飛雨北飛沙三十年來事若麻笑我尙難忘輩行

羨君先已富才華論詩未欲輸餘子破涕先聞說外家

姊弟數人天末住

君從洛中赴粵時蔣表兄鴻三久客洛陽表姊適繆氏者全家留滯粵西

于君爲從舅氏及從母故并及之

幾時商畧泛歸槎

戲簡陳侍講萬全四首

時陳新納姬人作詩索和

填門索字比催租頗覺仙郎暇日無添與玉人書紙仿
者番須破睡工夫

偶然一語尙嬌羞說到雙眠着意愁比似早朝還起早
怕人簾底看梳頭

昆明湖左路偏賒下直偷歸日已斜好事却同錢庶子

五更雙巷響雷車

錢庶子蔡直澄懷困每三日必一歸
卽于次日五鼓趨海旋入直常以爲

例君寓居相
近故戲及之

倦來鸚鵡替呼茶不掩窻櫺看月華我屬司香好調護

東風纔放二分花

姬年
十四

立秋前一日借顏大令崇架趙舍人懷玉侵曉詣 太

液池觀荷便訪法祭酒式善遂自德勝門徒步至西

直門五里長河花事甚盛並過極樂寺勺亭久憩乃
返

北斗未落天冥濛騎馬獨入蕭齋中夢醒拉客事遊覽
曉日未透觚棱東三亭二十有四面所喜面面花香通
豈惟花色艷如錦魚尾亦閃明霞紅此時夜色未全散
樓閣不受驕陽烘石闌干落一千丈月影星影穿玲瓏
斜枝面水結巢穩鵲夢未破花香濃荷盤承露亦殊好
珠光細碎磨鏡銅偶然興發欲出郭三里已至官河衝
背城人語太岑寂繞砌百級喧鳴蟲劉家亭子足清賞
細路曲折詔老農斜行距水不三步仄徑尙被蛛絲封
黃塵車馬鬧如織閑處鷗鷺何從容西山咫尺不容見

花挺高榦遮雙瞳乍紅乍白乍深色裁出片段非人功
環橋石勢鬥清削花亦旋轉如長虹池寬不放水波展
風滿獵獵交水荳迷行半晌始得路歷盡豕柵兼牛宮
花前吟客果下馬一一瘦步行偏工寺門斜對御園

闕當午紅氣酣房櫳釵環塞戶不容入

是日國花堂僻
爲遊女所占

巷走避衝斜風瓜花斷路蓼橫徑紫艷映水黃浮空吐
絲蟲碧轉丸黑堆地棘刺仍叢叢何來驟響刮客耳別
出水脈穿青松僧房盡處避人坐瓜果一任僧雛供開
窓望雨不能得雷鼓隱隱聲隆隆冰盤磊落高數尺蠅
蚋半日潛無蹤良朋屢約期屢誤世事何苦填心何團
蕉卧久僕夫促來趁斜月歸聞鐘回車頓覺有秋意一

葉正墮青梧桐

二十日早章大令學瀛邀遊積水潭看荷同人分韻得

光字

十里長河匯作塘馬嘶人語看花忙能閑客總神仙侶

當曉潭交日月光斷札幾行留黯淡

時展舊遊長卷見亡友王友亮通副

所作看荷詩

喬松千尺揖青蒼惟應薄醉牽船好消受荷花

面面涼

跋方布衣薰所作春水居長卷後

方居士性本孤畫水不畫舟畫岸不畫廬縱然畫屋儘
結茅前後左右皆禽巢一身居其間意態何嚶嚶縱然
畫舟僅一葉四面風聲水聲接掉船何所之似欲出六

合春林綠重煙濛濛初日淡作臙脂紅杜門百事不挂
意闌牖自與天光通方居士富有千頃波貴作五湖伯
朝吟晚吟同蟋蟀夜窻無人電光擲人立大魚時揖客
不爾前難訪鶴鷗偶然興發作此圖一筆卽已環全湖
全湖盡處青無數知是君家冢前樹我與居士交恨未
及往還手訂居士詩不識居士顏他時我訪湖西宅爲
補四圍松與柏君不見飛去飛來寒鷺絲渾疑弔客衣
冠白

七月朔日雨竟日夜不止作此排悶

一夜蕭蕭雨開門水倒流亂雲穿斗拱野鳥宿簾鉤兵
甲真堪洗椀槍尙未收似聞宵旰慮仍在益梁州

苦雨待客不至戲成

五更雨急檐頭衝壞垣倒屋聲洶洶起尋蠟屐出門看
半里曳入塗泥中西家床頭索瓦瓶東巷歷歷排牆聲
重來輦轂又逾歲天漏似向黔中行吾家老屋常掩關
壁倒已覺無遮欄獨愁苦霧翳天半咫尺不見西頭山
冷官百事皆相左折柬偏言此晨可齋廚無蔬爨無火
拒客先將巷門鎖甯知客念亦早灰侵曉誰肯衝泥來
廠橋西門水三尺到亦叱馭驅車回水聲泠泠沒及髀
掩書無聊酒時把一杯未已復一杯忽爾風狂墮飛瓦
君不見天公此意知者寡要向西南洗兵馬

哭愍孫

爾病真難起吾衰久矣夫猶應阿兄在

次子盼孫于王
子秋殤于京邸

莫嘆夜臺孤世業懋誰振重慈藉汝扶傷心厝棺地夕

照滿平蕪

盼孫厝厝于城西
夕照寺今亦當同

詩家詩

無錫顧兵備光旭選刻同縣人詩爲一集其剩稿賈
上舍崧乞得之爲卜地瘞于梁溪之側三伏日走數
千里爲索詩可云好事矣爰爲賦四絕句

側栢踈梅插滿塋三千里路走燕京不知何預先生事
肯爲詩人觸熱行

身後浮名定有無尙餘清淚灑平蕪他年地下傳文苑
此事真推鬼董狐

少日齊名顧虎頭老來吳質倍工愁

顧進士敏恒吳明經蘇仙于梁溪詩

人爲最

九原珠玉終難瘞合置中郎與發三

不結詩人結酒人邇來麴蘖更沉淪潘張陸左誰能識
有鋪須埋劉伯倫

女貞行爲俞貞女作

無錫俞貞女許字高郵金明經蘭未幾明經病卒貞
女誓以身殉母兄防之苦貞女畫女貞花一枝題詩
于上以見意不半歲終以瘵疾卒其兄孝廉坊爲索
詩爰賦此篇

花莫作斷腸花草莫作拔心草拔心草死尤可憐誰識
斷腸花色好俞貞女字金明經二十待年仍未行明經

亡貞女病口不欲言心已定寫得一枝祈絕命不繫尺
五組不赴清冷淵兒身雖可捐母意殊拳拳十旬百藥
終無效兒雖死貞不傷孝英英女貞樹鬱鬱冬青枝上
有六出花下有五色芝君不見斷腸可續死可生不若
此木尤堅貞良人無年妾命促手握此花方睽目萬古
貞心托貞木

同人約七夕卷施闕小集先作此代柬

紅燭千條酒百甌石闌干外雨初停人間未必輸天上
此夕虛堂聚德星

七夕詞

今歲風波惡濤衝星斗邊

時大雨連日
永定河決口

鴛鴦三十六險

欲上青天

茅垣排東西土室圮前後只有天漢邊紅墻尙依舊
別夜雲駢斂凌晨絳節移年年當此夕真可說瓜期

十一日同人集卷施行閣醉後作

十日無一客客至必滿堂十日無一樽客來必千觴主
人愛客客亦知皆競來早無來遲鞭絲影拂稜稜瓦洗
手花前客停馬淵魚林鳥盡不猜客到先已穿池臺茶
爐聲喧話不足失喜一林新果熟雛童攀樹鳥啄枝一
徑先入紅參差果中開筵忘爾我上坐主人無不可忽
然客句矜速成滿屋盡變爲吟聲歡呼座中人歷亂屋
頭雨驚雷掣電總不聞銀燭如椽客圍語須臾雨歇月

滿廳蠟屐攢響來窺楹半廳人歸半廳坐別掃一廳留

客卧

金手山等皆留宿閣中

三更門索誰更牽知是驚烏夜飛過

鳳仙

砌下亭亭立應呼侍女花綠須扶徑草紅欲睨窻紗逸
鞦韆朝雨芳心待月華窺籬兩三種因爾倍思家

鷄冠

爾亦知時者忘言得久安未應憐鍛羽空自揭高冠秋
實甯同味幽花不並看劉琨思起舞側耳聽無端

秋葵

八尺檐楹峻枝高尙出楹孤懷終自揭仙掌曉來擎似
愧凌霜質徒矜向日名甯隨鮑莊子別足有餘榮

紅蓼

秋花雖自好未比水花妍紅紫分三徑江湖別十年舞
風踈竹外弄影夕陽前不聽吳孃曲從茲別夢牽

秋海棠

何事腸俱斷傾城色尙誇春人兩行淚秋雨一叢花恨
繞江郎筆愁生蘇小家蟲聲漫嗚咽心緒正如麻

玉簪花

秦闕誰種玉楚國尙亡簪泣露寃難剖埋蒿冷欲尋淡
宜涼月曉閑稱古墻陰似有泠泠響風前荅素琴

十七日驚聞畢尙書師楚南之赴翌日于卷施閣中爲
位而哭哀定賦詩六章卽寄莊邠州忻錢乾州拈陝

西毛簡州大瀛四川孫兵備星衍山東楊靈州芳爍
甘肅方伯揆貴州楊大令倫廣西王大令復河南

三十年來事都憑信史編此生誰念我九死欲呼天
出朝班上魂歸夕照遶報公惟砥節方不負名賢

死不爲公恨傷公未盡才潢池仍待勦衡嶽遠先顏諸
葛中年隕文淵半道摧世儒真淺識猶望歷三台

由來三楚事終始一人支微管功甯泯亡彭讖獨奇公

時術士言公官楚南曰卽當
謝世蓋合公姓名爲讖也夜星驚櫂馬秋霧濕牙旗

千百孤寒淚從今灑路岐

遺大投艱後羣疑衆謗中萬言陳至計公去歲請檄湖
南兵專勦湖北

疏入上嘉其蓋誠一死遂孤忠分野旄頭落盤門羽檄通蠻民

商配食先在伏波宮

老每思巖壑

君恩未賜環回天心獨苦匝月髮都班

公體素強自髯楚事旬日鬚髮

皆白事與元勳勒封同五等頌傷心別時語

乙卯冬余自黔中報滿入

都公留話三日方別原不計生還

同人凡幾輩白髮半應飄訝絕全家計

半年以來公仲弟夫婦及冢媳

房老皆

哀騰八月潮

公以潮生日生故小名潮生

枕鞍書耿耿歸櫬

雨瀟瀟他日虛堂宿仍歌楚大招

會都轉煥以六月廿一日集平山堂爲宋歐陽文忠生

日設祀同人賦詩成帙并索亮吉詩因賦此

臨安祀東坡邗上祀永叔兩公政績猶在人 不特高名

輩流服異哉平山堂乃祀和仲忘歐陽

予以癸巳甲午客揚州權署職

月十九日曾兩隨衆于平山堂爲蘇文忠設祀

門生風義古無匹詎敢僭食來

堂皇千秋此論誰折衷乃在七百年後曾南豐雖然文

章節義謚並同配食六一庶得看山翁此後君倘接武

雙文忠賓筵開酒人滿太守風流逮都轉昔時門生今

卑問誰知誕日尤奇絕君後公生纔兩日陳公塘接邵

伯湖荷花世界昔所無不羨奏樂章不羨祝嘏詞只羨

蜀岡岡頭三日讌正直千朶萬朶紅白花參差古來文

福能兼少况復身持節旄早一輩才人座上多二分明

月揚州好君不見我亦平生感舊遊吟魂多在庾公樓

大星昨報前軍隕

昨得弇山尚書赴

清淚揮殘天盡頭君思歐

公我思畢同是龍門異今昔十輩門生宦九州

謂莊似撰錢獻

之孫淵如楊蓉裳荔裳諸同學

感恩一日頭俱白王南甯

少林太守

陳博士

禮堂 我所思兮二三子却憶征南幕下人一篇並寄吳

江史

冊厓文學

重哭尚書師

三日愁霖漲滿池打門消息到偏遲南來薏苡冤方白

北渡瓊瑰夢已知無淚哭公惟有血此身閱世詎多時

平原賓客消沉盡誰共筵前奠一卮

謂邵學士諸人

七夕夜坐戲擬古別離詞寄孫大山東

中歲念師友懼或成晨星晨星今亦稀惟剩一啟明啟

明之東我則西天未回首常淒迷一回思君一回切願

滅光明作殘月一月相隨得旬日不然此滅彼復生君
爲啟明我長庚昏旦相代東西行我持此語思上告織
女黃姑愁未報南極老人先大笑

苦雨

十日雨不停莓苔綠斗拱虛堂蒸毒霧梁燕欲移棟居
鄰斷煙爨歛戶求火種爲言墻半圯床榻陷成冢填街
三尺水决竇不旋踵憂來展書坐蟲喙集窻孔心切望
曉晴偏驚橫蠅蝻

贈楊州倅廷煥卽題其傳硯堂卷子

難兄薄宦久蹉跎

時令兄倫檢發廣西軍營

萬里新從馬伏波小別

最憐饒涕淚半程相送越滹沱傳家硯比兼金重賣字

錢無落葉多我是孔融交兩世一回展卷一摩挲

八月廿二日侵曉出西便門抵海淀約任軍門承恩共
遊西山因小憇官廨待法祭酒式善何水部道生作
我行月初升甫到月未落初日亦已輝星光尙回薄濛
濛開濕霧纔止巷南柝官齋野花艷隙地日開拓早飯
及射堂紛然具羹雁年豐饒稻蟹且喜鱸新斫傳觴休
更緩有約在巖壑斜行車屢陷溝水仍未涸周盧欣在
望便道一省度園林甫修葺昨已飾丹牖笑指雲外樓
今成草元閣

時新修澄懷園余已移居
近光樓下因便道入視

循青龍橋北入山

高原無人居千頃堆白日前行驚眯眼沿道飛石屑流

雲勢洶洶意欲礙車轍萬葉鼓北風斜衝一門出騎行
既回互徒步徑尤劣絕險度一岡同行儼相失瓊瓏諸
石竅往往野花苗秋蟲與相間竹徑亦幽絕到覺萬仞
湖孤懸石樓未

久懃龍神殿觀泉源并喜春海棠復開

墮薪天半落知復有樵人及此林花放幽巖忽覺春稍
稍開宿雨黯黯及蕭辰三時金鑑影五色莓苔文土蘘
風既迅石竇泉初分松陰灑危殿嵐光度寒門層層凌
曲磴步步絕流塵禪扇雲欲活初地鳥尤馴百念此時
寂齋鐘亦不聞

登蒼雪菴小軒望安定平則諸門并見白塔

松陰甫迎人樹葉忽拒轍土垣從東頽了了露佛闕旋
螺方數轉足險入石穴欹斜臻層軒眼界始突兀窻櫺
甯待啟雲怒已飛出重岡莽回環幸有北口缺奔流從
此注百里只一瞥濛濛煙盡處時逗人馬跡心空無窒
碍木葉半俱脫誰云飛鳥迅詎若隙駒疾危瞻七層塔
天際白如雪斜日下九門丹樓亦齊突

題羅山人聘爲周編修厚轅所作移居圖

人生安得如淮酒更載奇書及嘉耦書完一卷酒一杯
鶯燕一一飛前來倦餘卽卧書函下酒得美人斟較雅
我疑醉鄉日月不可遊何意復戀鄉溫柔或云藉銷奇
氣憑萬卷否則佐此情話須千甌周郎舊乞金門假重

到蓬萊已三夏偶然聚得薄笨車家具如此方移家酸
寒頓改儒生素玉軸金釵照衢路遂令畫鬼羅兩峯描
繪人物仍能工馬嘶塞路車填轍一笑敵君如有術以
劍抵君書以琴抵君妾惟餘酒癖未盡忘醉裏狂譚磨
齒頰雖然此客尤可防倚酒或恐登君堂書能目十行
酒亦吸一斗把君奇書覆君瓠惹得美人開笑口

八月廿九日抵澄懷園成親王枉騎過訪并辱贈詩謹

賦此報謝

偶廁談經席頻勞問字車過汀喧列騎入室噪棲鴉土
甌茶難熟丹林日易斜不因鄰

禁藥猶認野人家

中秋日何民部元煥水部道生招同法祭酒式善伊比
部秉綬趙舍人懷玉遊法源寺竟日

慈仁荒敗崇效遠禪窟此間稱最古維摩立地有丈六
傑閣去天纔尺五三門乍啟通松徑百步相連有花圃
虛堂僧健老復丁靜夜人歸月亭午

澄懷園九日

荒園秋盡景蕭騷一半松林起怒濤是處岡巒行已徧
破除今日不登高

澄懷園夜起看月

卷簾列宿已全收是處天光接水流剩得一星隨一月
憑欄看到五更頭

周廬三面麩塵清風起雲生與地平百步樓臺少人影
馬嘶聲和客吟聲

管夫人墨竹

石徑空濛翠欲流琅玕影裏雨初收何緣不寫王孫草
多恐人饒故國愁

澄懷園卽事

橫塘萬頃荷花死蓮葉蓮根泣秋水參差鴛瓦鋪新霜
螢火一夕收清光枯楊半掩窻前卧抱葉寒蟬向空墮
湖東明月湖西來綠窻此時開未開

晚步

荒岡南去徑縱橫半里斜飛落葉聲惹得暮鴉成陣噪

夜陽人影樹頭生

夕起

落葉驚人起開軒月露迷却從行馬外斜度濯龍西萬
樹風聲肅千門燭焰低勞勞我何意默坐聽荒鷄

築屋

築屋臨官道郵書鎮日馳水寒雲去駛天迥月來遲劍
閣初聞捷荆門尙出師南征諸將士知否抵恩施
澄懷園偕同人晚步

歸鴉已入林未礙客幽尋風遞千門響雲飄四野陰訪
經蕭寺冷照水石梁深不是逢搖落誰知天地心

袁大令枚寄示擬戊午己未重宴鹿鳴瓊林詩二十首

率成十二絕奉簡

唐代詩人推李杜何曾雁塔得追陪先生要吐前賢氣
兩向慈恩頂上來

也逐遊塵上六街不知早已脫芒屨賓筵開處吻吻鹿
定帶長生苑內脾

白首研摩事可憐從來一第比登天名經千佛雙番寫
始悟公真劫外仙

三月春光暖已回五雲多處綺筵開劉郎前度誰能識
錯認耆年賜第來

一輩人皆上玉京獨留老眼識羣英先生遊戲蓬萊日
多恐諸賢盡未生

憶昔追陪聞喜筵記同上相說齊年

謂庚戌登第日稱
文恭公重赴禮部

宴不知此老來春宴更有何人步謫仙

却笑從前向子平苦留婚嫁晚經營先生五岳書名徧
遊戲重題雁塔名

老去重登選佛場此翁何似魯靈光斷無門下門生在
有亦居然大父行

宴罷瓊林走壁車珠簾十里影橫斜當時玉貌誰能識
只有宜春苑裏花

短筇秋到倍精神無數羣賢逐後塵畢竟姮娥愛蒼老
桂枝全借白頭人

屢枉山公問訊檇林泉歲月一何淹

公與文成公阿桂
同舉鄉試今文成

已辭 少微不隕中台隕始信公真文福兼

王母蟠桃歲月長
搗來屢見竊東方
曲江杏比瑤池實
也要先生三度嘗

十月初六日同人集積善大令晚香精舍看菊并出古
琴十六相示卽乞主人與何水部道生于花下撫琴
率成長句

琴琴不同聲
花花不同色
琴標六代元
宋唐花放百枝
黃赤白古
琴泠泠一十六
其外蕭疎盡
叢菊琴囊滿
牆花滿屋一
本花開彈一
曲主人豈止
能愛琴愛琴
兼賞琴知音
何郎三十妙
指法花下一
見先題襟
主人豈止
能愛菊尤
愛看花人
不俗爲花
築屋亦殊
雅別自扁
門

不煩僕我生嗜古癖未忘舊物先撫澄心堂

主人蓄唐琴三其一

卽澄心堂物也

題名元祐三十字洗以菊水逾清光灌花初完

撫琴好猶有春泥在長瓜琴聲愔愔花裊裊花韵都浮
七絃表客彈一回主一回千朵萬朵花徘徊罷琴置酒
客不去花下促坐傾千杯琴停旣無聲菊暝亦無影主
人離披客酌酌明月入來窺藻井

輓王大令復二首

昨得安陽札

安陽趙大令希璜札來始得凶耗

連篇悼偃師更憐交友

少已愧哭君遲涕上猶相訊

孫大昨來札尙詢君近狀

函闕定末期

錢州管帖

茫茫揮老淚西向酌親知

謂畢尙書師及君

中州民力竭防賊又防河屢處凋殘地偏能惠愛多敢

期膺上計終自拙催科一卷新詩在明明勞者歌

李大令符清濮陽跨驢卷子

琴堂三月別獨跨一驢來面目都非是衙胥各浪猜詎
知行役苦安怪壯顏摧他日傳循吏推君利濟才

乞友人作歲朝圖貽詒晉齋主人并綴四截句

窈窕房權水一澗早春偶得著書閒休嫌屋後峯巒峻
此是淮南大小山

沿街都爲歲除忙清絕城西半里坊却憶諸王勤問字
未妨門有束脩羊

詒晉齋中一事無幾聲爆竹歲將除兒童簫鼓轟前後
不碍閑堂讀道書

日晚天街跨馬回，小疲聊復舉深杯。
房廊迤左休教掩，要盼西山臘雪來。

小除日章大令學濂遣人餉酒時適寫歲朝圖却寄并
附以詩

故人念我寒餉我酒一尊闔門不敢應恐是催租人催

租人不來送酒人踵至

時郭大令亦遣人餉酒及食物

開顏對使人汝

亦大解事主人官赤縣騎馬日出城百事逼歲除猶能

念友生銜杯對益梅

詩數日承餉益梅四種

此意何可報聊寫春

風圖博君元日笑

會孫用勲校字